

祥異志

嘉慶四年六月二十三日有飛火大如蓆自西而東照地如月草木畢見五年二月十八夜月紅如血貫羣犬皆吠俄而冉賊至

嘉慶五年二月德公統兵在治東古樓山勦賊賊與被掠民死者不下數千有二婦被賊殺死路旁一年三十許一年二十許衣服裝飾似富家婦也二屍間臥有白犬晝夜吠嚎並不尋食亦不暫離如守屍者半月有餘其他屍皆被別犬拖食惟二婦屍全絲毫未損人知白犬

江油縣志

卷廿二

祥異

一

乃二婦畜也憐其義送飯飼之食已仍臥屍側如是月餘並無認者居人爲之掩埋依服色年貌書於牌插墳前揮犬去行不一里復回周視土壘若恐有罅隙者然更七日人呼之使去且行且止至數里可望處猶回坐不去如候主人狀越三日去無影也至今竟無人認意者二婦之來甚遠其家或盡被害乎抑犬因喪家中路憤亡人莫之知也乎誠不知二婦何德於犬而犬爲之盡義如此也事雖微亦急難中所罕見者

道光二十九年縣東百九十里空坪山崩山下爲劉文兩姓宅有神告以當遷鳥聲人言不見其形及期山崩兩



家獲免今崩痕尙在

光緒十五年四月初五日大雨雹形如卵黎雅場禾稼傷壞甚多

光緒十九年夏有星如月墮於江干城中皆見

光緒十九年春縣東黎雅場甘露降明年復降

光緒二十三年夏新店場天尊寺鐘自動微聞有聲

雁門場丹桂義塾有吉祥草一叢自庚子始開花不輟今歲癸卯又放兩花考羣芳譜云此草難花有花必有吉慶

光緒二十九年四月初一日孔雀來集於中壩之東嶽廟

江油縣志

卷廿二

祥異

二

附近高四五尺雄雌各一向東長鳴數聲乃奮尾開屏文采爛然五色備具農人相顧叱異須臾收尾展翼飛去遺卵田間後有拾者謂其卵大如拳色赤光瑩爭相傳視失手墮地如金石聲

中壩場東蓮花池地勢平曠癸卯四月中旬突有黃豹長五尺餘奔竄田間時值農忙人各持鋤柄四野環擊立斃未傷一人究不知所自來也